



Inatsisartuni ilaasortaq,
Emanuel Nûko, Partii Naleraq
/Maani

§ 37 naapertorlugu apeqquteqaammur nr. 200 2018 tunngasumut akissut

Asasara Emanuel Nûko

Inatsisartut suleriaasiat § 37, imm. 1 naapertorlugu Naalakkersuisunut apeqquteqaateqarputit. Apeqquteqaat uanga suliassaqarfinnut akineqartussanngorlugu innersuunneqarpoq.

Apeqqutit ataani akineqarput:

1. Tasiilaq eqqaanilu nunaqarfinni piniarnermut nakkutilliisussamik atorfinittisisoqarniarpa?

Akissut: Naalakkersuisut nakkutilliinissamut ilusissaq 2014-imi akuerisaat naapertorlugu, kiisalu taassuma atuutilersikkiartuaarneqarnerani KANUAANA-p 2019-mut, nakkutilliineq pillugu pilersaarusiornissaanut ilanngullugu nalilersussavaa, aalisarnermut piniarnermullu nakkutilliisut naammannersut.

2. Qilalukkat nannullu killilersugaasut pisassiissutit nungoreernerisa kingorna piniartoqartarsimaneramik malinnaatitsisoqarpa?

Akissut: Aalisarnermut, Piniarnermut Nunalerinermullu Naalakkersuisoqarfiup kommunit attuumassuteqartut, Kommuneqarfik Sermersooq ilanngullugu, qanimut suleqatigalugit pisassiissutit tunniunneqartut nakkutigai. Aqutsiveqarfinniit assigiinngitsuniit pisaqarnermik nalunaarutit tiguneqartarput. Tamatuma kingorna Naalakkersuisoqarfiup pisassiissutit pillugit paasissutissat nutartikkat kommuninut nassiuttarpai, pisassiissutit sippoqqunagit.


29-08-2018
Suliap normua 2016-7787
Allakkat nr. 8582087

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanaq.gl
www.naalakkersuisut.gl

3. Killilersuisoqartillugu sooq maani Tasiilami eqqaanilu Nunaqarfinni sulii nakkutilliisussamik atorfinititsisoqanngila?

Akissut: Apeqqut 1.-mut akissut takuuk.

Inussiarnersumik inuulluaqqusillunga



Erik Jensen

Aalisarnermut, Piniarnermut, Nunalerinermullu Naalakkersuisoq



partii naleraq

15-08-18

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisumut apeqqut imaattoq saqqummiuppara:

Naalakkersuisunut apeqqut:

- 1. Tasiilaq eqqaanilu nunaqarfinni piniarnermut nakkutilliisussamik atorfinititsisoqarniarpa?**
- 2. Qilalukkat nannullu killilersugaasut pisassiisutit nungoreernerisa kingorna piniartoqartarsimaneranik malinnaatitsisoqarpa?**
- 3. Killilersuisoqartillugu sooq maani Tasiilami eqqaanilu Nunaqarfinni sulii nakkutilliisussamik atorfinititsisoqanngila?**

(Inatsisartunut Ilaasortaq, Emanuel Nûko, Partii Naleraq)

Tunngavilersuut:

Piniakkanik angisuunik qilalukkat qernertanut nannunullu killilersuisoqartillugu Tasiilami nunaqarfiinilu piniarnermut nakkutilliisumik amigaateqarpugut. Tamaani angallatit umiatsiaaqqat pujortuleeqqallu unnuannarmi tikerartarput piniariarfimminngaaniit nakkutigineqaratik, piniakkani killilersukkanik angisuunik Qilalukkanik qernertanik nannunillu usisarsimasinnaanerannik misissuifigineqartalemissaat siunertaralugu. Pujortuleeqqat ungasissumut piniariarsimasut tamangajavimmik aatsaat unnuakktu tikittarput.

Apeqqutit ullut suliffiit qulit qaangiutsinnagit akineqarnissaa kissaatigaara